



PULAALI'I NIKOLAO PULA  
GOVERNOR

PULUMATAALA AE AE JR.  
LT. GOVERNOR

**OFFICE OF THE GOVERNOR**  
**AMERICAN SAMOA GOVERNMENT**  
PAGO PAGO, AMERICAN SAMOA 96799  
Telephone: (684) 633-4121

## **FEAU FA'AMANUIA MO LE ESETA**

### **Aperila 2026**

Ua nofofale i finagalo ma agaga le āfuaga ma le fa'apogai o le fa'amanatuina pea e le lalolagi o le Eseta. O lo'o tu'usa'o mai le uiga o lenei Aso i totonu o tatou aiga, nu'u, Ekalesia ma le atunu'u. Ua avea pea ma mitamitaga o le Au Kerisiano le Taulaga ofoofogia ma le maualuga na tapena e Iesu mo i tatou.

O le ala lea ua tatou talitonuina ai lenei Taulaga o lo'o fa'amanatuina pea i upu o le Feagaiga o le Tausama'aga mulimuli a le Alii ma ona So'o; "Ia outou faia lenei mea e fai ma fa'amanatuga ia te a'u i aso uma tou te ola ai". O upu nā e ao ona teu i fatu o lana fanau fa'atuatua. Tatou te fa'aalo'alogia pea ma le agaga fa'amaualalo le tāua o le Eseta, auā o lona nanamu e toe teuteu ai so'otaga, mafuta ma fegalegale'ai ai aiga, ae fusia ai i le alofa ma le fealofani le fanau a le Atua.

E momoli atu ai alofa'aga ma fa'amanuiaga mo le Eseta, mai le Lutena Kovana, Afioga le Matua ia Pulumataala Ae Ae Jr, ma nai o ma aiga uma, fa'apea le Faigamālō mo Amerika Samoa. E le fa'agaloina foi nai o tatou aiga o lo'o aumau i fafo ma fanau i Vaega'au a le Mālō Tele. Ia maua e Amerika Samoa ma ona tagata le agaga o le Eseta, ma ia fa'amanuia atu le Atua i le atunu'u atoa.

Ia manuia le Eseta ma ia saogalemū lona fa'amanatuina.

**Pulaali'i Nikolao Pula**  
**Kovana**